

Javni poziv za dostavu radova na temu Migracije u funkciji razvoja

13. maj 2014

Pozivaju se autori/ce, istraživači/ce ili timovi da dostave sažetke naučnoistraživačkih radova empirijskog karaktera koji se bave pitanjima migracija u kontekstu socio-ekonomskog razvoja u Bosni i Hercegovini ili u zemljama regiona (Crna Gora, Hrvatska, Makedonija i/ili Srbija) koji bi bili prezentirani na naučnoistraživačkoj radionici "Migracije u funkciji razvoja" te objavljeni u pripadajućem zborniku radova.

Sažetak relevantnog naučnoistraživačkog rada empirijskog karaktera treba biti predstavljen s maksimalno 600 riječi, a njegov sadržaj obavezno imati sljedeću strukturu:

- a) problem i predmet istraživanja s vremenskim i prostornim određenjem,
- b) značaj,
- c) ciljeve i metode istraživanja,
- d) glavne socio-demografske karakteristike uzorka, te
- e) rezime osnovnih nalaza/rezultata istraživanja.

Sažetke naučnoistraživačkih radova na službenim jezicima BiH ili na engleskom jeziku dostaviti u pdf formatu na email adresu registry.ba@undp.org najkasnije do 31. maja 2014. godine. Uz sažetak priložiti i Europass CV s fotografijom. Sažeci naučnoistraživačkih radova koji budu pristigli poslije navedenog roka neće se razmatrati, a oni koji ne budu ispunjavali date kriterije neće biti uzeti u razmatranje.

Pregled sažetaka i njihovu selekciju za istraživačku radionicu će vršiti komisija u sastavu: gđin Roland Kostić PhD, gđica Bojana Babić MSc i gđica Emina Čosić MSc. Komisija će izabrati devet (9) naučnoistraživačkih radova koji će biti odštampani u zborniku radova sa ove radionice i distribuirani relevantnim akademskim i institucionalnim partnerima u Bosni i Hercegovini. Takođe, elektronska verzija zbornika radova će biti objavljena na web stranici Ministarstva za ljudska prava i izbjeglice Bosne i Hercegovine. Pri vršenju selekcije dostavljenih sažetaka naučnoistraživačkih radova, prednost će imati oni koji se odnose na Bosnu i Hercegovinu.

Autorima čiji su sažeci naučnoistraživačkih radova prihvaćeni, tokom juna bit će dostavljene precizne upute o formatu i obimu rada, te načinu citiranja i navođenja literature. Autori će u saradnji sa članovima Komisije za izbor radova prilagoditi svoje radove u skladu sa dostavljenim uputama. Krajnji rok za dostavu finalnih verzija radova prije lekture i prijevoda je 31. avgust 2014. godine. Dostavljanjem finalnih naučnoistraživačkih radova do navedenog roka autori prihvataju da se njihovi radovi objave u Zborniku radova sa istraživačke radionice. Ukoliko autor ne dostavi naučnoistraživački rad na vrijeme, biće diskvalifikovan iz Naučnoistraživačke radionice.

Lekturu i prijevod finalnih radova će uraditi UNDP, te će isti biti dostavljeni autorima na finalni pregled i odobravanje najkasnije do 30. septembra 2014. godine.

Odabrani naučnoistraživački radovi će biti predstavljeni na radionici "Migracije u funkciji razvoja" koja će se održati u Sarajevu, Bosna i Hercegovina, 17-18. novembra 2014. godine, kao nastavak "Istraživačke radionice o migracijama iz BiH" održane u septembru 2012. godine u Sarajevu. Radni jezici Istraživačke radionice su b/h/s i engleski uz osiguran simultani prijevod.

Ova radionica se održava u okviru zajedničkog projekta Ministarstva za ljudska prava i izbjeglice Bosne i Hercegovine, Ureda za saradnju Ambasade Švicarske u Bosni i Hercegovini i Razvojnog programa Ujedinjenih nacija (UNDP) pod naslovom "Migracije i razvoj: Uvrštavanje koncepta migracija i razvoja u relevantne politike, planove i aktivnosti u Bosni i Hercegovini". Ovaj projekat nastoji sistematski mobilizirati i izgraditi potencijale migranata iz Bosne i Hercegovine u relevantnim područjima tranzicije i socio-ekonomskog razvoja, osiguravajući vidljive učinke njihova doprinosa napretku zemlje na svim institucionalnim i društvenim nivoima. Shodno navedenom, Istraživačka radionica ima za cilj da podigne svijest i omogući dijalog između zainteresovanih aktera vezano za

migracije i razvoj, kao i da ukaže na značaj migracija za razvoj Bosne i Hercegovine, te stvori pretpostavke za njihovo uključivanje u integrirane razvojne strategije na svim nivoima vlasti u Bosni i Hercegovini.

Glavni ciljevi radionice su:

- Prezentirati komparativna iskustva u vezi s migracijama kao komponentom socio-ekonomskog razvoja (prvenstveno istraživanja koja se odnose na Bosnu i Hercegovinu, ali i na druge zemlje Zapadnog Balkana kao što su Crna Gora, Hrvatska, Makedonija i/ili Srbija);
- Diskutirati o izazovima i mogućnostima iskorištavanja migracija u funkciji razvoja Bosne i Hercegovine.

S obzirom na brojnost bosanskohercegovačkog iseljništva i njen veliki potencijal, primarna namjera istraživačke radionice jest na jednom mjesto okupiti istraživače koji su se bavili različitim iskustvima migranata, naročito sa socio-ekonomskog aspekta. S tim u vezi, bitno je potcrutati prednosti i slabosti postojećeg ambijenta u smislu olakšica ili prepreka koje trebaju biti otklonjene kako bi se uspješno ostvario socio-ekonomski razvoj naše zemlje (bilo kroz finansijska ulaganja, transfere ljudskog kapitala i tehnologija, prekvalifikacije/dokvalifikacije nezaposlenih, razvoj obrazovnog i zdravstvenog sistema i sl.).

Putni troškovi i hotelski smještaj za po jednog prezentatora/autora odobrenih istraživačkih radova biti će pokriveni od strane organizatora. Moguće je učešće dodatnih prezentatora/autora za koje bi organizator obezbijedio hotelski smještaj, ali bi njihovi putni troškovi morali biti pokriveni iz vlastitih izvora.

Rokovi:

31. maj 2014. – predaja sažetaka naučnoistraživačkih radova
15. juni 2014. – selekcija sažetaka naučnoistraživačkih radova za radionicu
31. avgust 2014. – finaliziranje naučnoistraživačkih radova u definisanom formatu
30. septembar 2014. – završetak lekturisanja i prevoda naučnoistraživačkih radova
10. novembar 2014. – dizajniran i odštampan Zbornik radova
17-18. novembar 2014. – Istraživačka radionica

Za više informacija, možete se obratiti:

Željko Blagojević
Menadžer projekta – Migracije i razvoj
Razvojni program Ujedinjenih nacija
Zmaja od Bosne bb, 71000 Sarajevo
Bosna i Hercegovina
Telefon: +387 33 293 498
Faks: +387 33 552 330
zeljko.blagojevic@undp.org

Primjedba:

Za autore/ice koji/e nisu u mogućnosti dostaviti svoje finalne radove za Zbornik do 31. augusta 2014. godine, kako je navedeno u Pozivu, krajni rok bit će produžen za dodatnih 30 dana (tj. do 30. septembra 2014.).